



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. IV. De Effectibus Consuetudinis.

**urn:nbn:de:hbz:466:1-40673**

ab iis introducta tenentur jejunare, non proinde teneantur Clerici, qui non consueverunt jejunare; Probabilior tamen videtur sententia opposita Suarri.

V. Sequitur secundo, fœminas non posse sua consuetudine abrogare legem obligantem solos masculos; sicut non possunt laici abrogare leges proprias Clericorum; Possunt tamen fœminæ, verbi gratia Moniales, sua consuetudine abrogare leges proprias, aut alias inducere, ut docent communiter cum Suar., Sal., Bonac., Pal. num. 6., quia Communitas fœminarum est capax ferendi leges proprias de consensu Principis.

VI. Sequitur tertio, Communitem mercatorum posse consuetudine sua abrogare leges proprias, & veluti municipales, aut novam obligationem sibi imponere; cum etiam talis Communitas sit capax propriæ legis, & possit de consensu Legislatoris sibi leges imponere, ut iidem Doctores docent.

Inquirit P. Andreas Zuccherius Soc. Jesu in suis apprime eruditis, & commendatis Decisionibus Patavinis de obligationibus Patrum familias Casu ultimo Mensis Januarii, Num sit obligatoria consuetudo inveterata alicuius familiae, ut quoridie stata hora congregetur ad quædam preces simul recitandas. Et quamvis pro parte affirmativa plura motiva adducantur; negativæ tamen merito adhæret; tum quia hujusmodi consuetudines non introducuntur animo se & alios obligandi, sed ex mera devotione; tum etiam quia familia privata est quædam Communitas imperfecta, quæ consuetudinem legalem habentem vim legis introducere non potest, ut notat Palaus pun. 3. n. 2. ex Suario. Etenim Paterfamilias ut talis solum habet potestatem œconomicam, non politicam; neque potest filiis, & aliis

subditis legem imponere, sed solum præceptum; unde consuetudo, etiam ut conjuncta cum Paterfamilias auctoritate, vim legis non habet.

## ARTICULUS IV.

## De Effectibus Consuetudinis.

- I. *Consuetudo inducit obligationem, abrogat legem, illam interpretatur, actum irritare potest, non secus ac lex, ac reddere aliquem inhabilem ad Beneficia.*
- II. *Potest aliqua consuetudo obligare solum ad paenam, & non ad culpam.*
- III. *Potest etiam abrogare paenam, relieta obligatione ad culpam.*
- IV. *Et e converso potest abrogare legem obligante ad culpam, relieta obligatione ad paenam.*
- V. *Num possit abrogare legem vetantem consuetudinem contrariam?*
- VI. *Lex de non trahendis Clericis ad potestatem laicam cur non possit consuetudine contraria abrogari?*
- VII. *Si reprobetur consuetudo contraria ob periculum damni, hoc cessante potest lex per consuetudinem in oppositum abrogari; Secus vero si reprobetur ob intrinsecam ejus malitiam.*
- VIII. *Num clausula illa, Non obstante consuetudine in contrarium, abroget non solum consuetudinem praeteritam, sed etiam futuram? Et num etiam immemorabilem?*
- IX. *Potest consuetudo, non secus ac lex, abrogare legem irritantem; potest etiam reddere irritos actus ceteroqui validos.*
- X. *Quonam pacto consuetudo legem interpretetur? Et quomodo ea sit regula contractum?*

I. Mul.

I. **M**ultiplex est consuetudinis effectus. Primo enim, si sit præter legem, inducit obligationem. Secundo abrogat obligationem legis, si sit contra legem. Tertio, interpretatur leges; Si enim potest consuetudo novam legem inducere, & antiquam abrogare, a fortiori poterit legem interpretari in dubiis, ut constat ex cap. *Cum Dilectus*, de Consuetudinibus; ubi dicitur: *consuetudo est optima legum interpres*. Quarto irritat aetum, non secus ac potest illum irritare lex; Verbi gratia possunt consuetudine introduci impedimenta irritantia matrimonium; sicut possunt impedimenta matrimonii jure humano inducta aboleri. Potest etiam aliquis consuetudine reddi inhabilis ad beneficia, ex cap. *Cum Olim*, De Clericis conjugatis, aut inhabilis ad electionem, ex cap. *Humana*, De Electione.

II. Quæritur nunc primo, An possit consuetudo introduci, quæ solum obliget ad poenam, non ad culpam?

Respondeo cum Suar. lib. 7. cap. 16., & Palao, affirmative; Si potest enim dari lex pure penal, quare non potest dari consuetudo obligans tantum ad poenam? Et sane si consuetudine introducatur, ut transgressores alicujus constitutionis non obligantis ad culpam mortalem puniantur aliqua poena, talis consuetudo obligabit solum ad poenam, non ad culpam mortalem; ergo pariter si consuetudine introducatur, ut transgressores alicujus constitutionis non obligantis ad ullam culpam, ne veniale quidem, puniantur aliqua poena, talis consuetudo solum ad poenam, &c nullatenus ad ullam culpam obligabit.

III. Quæritur secundo, An possit aliqua consuetudo abrogare poenam, relicta obligatione ad culpam.

Respondeo, Castro lib. 2. de lege penal, apud Pal. num. 2. negare, quia

eo ipso, quod consuetudo abrogat poenam legis, censetur abrogare legis obligationem. Communius tamen cum Sal., Suar., Azor., Pal. affirmant; Sicut enim potest Princeps nova legge abrogare poenam, relicta legis obligatione, ita potest consuetudo. Et de facto in Extravag. 1. De rebus Ecclesiæ non alienandis, & in aliis decretis sunt impositæ varia poenæ, quæ jam per desuetudinem cessarunt, manente legis obligatione, ut testatur Suar., & Navar.: Quod etiam verum est, si poena sit latæ sententia: consuetudine enim introduci potest, ut transgressor legis imponentis censuram latæ sententiae non se habeat ut excommunicatum, nec se gerat ut talem, nec ut talis existimetur, manente obligatione legis.

IV. Quaritur tertio, An possit etiam viceversa consuetudo abrogare legem obligantem ad culpam, manente dumtaxat obligatione ad poenam?

Respondeo, id fieri posse, si poena non est talis conditionis, ut presupponat culpam, sicut est censura; quomodo enim potest censura incurri sine contumacia, & non presupposita culpa? Quare lex obligans sub poena censura non potest abrogari, manente solum obligatione ad poenam. Lex vero obligans sub alia poena, verbi gratia Carceris, potest abrogari, manente obligatione ad poenam: Sicut enim potest dari lex pure penal, quæ obliget tantum ad poenam, quæ tamen non sit censura; ita consuetudo efficere potest, ut lex evadat pure penal, si poena non sit censura.

V. Quæritur quarto, An possit consuetudo abrogare legem prohibentem consuetudinem contrariam, dicendo, verbi gratia, Non obstante Consuetudine in contrarium?

Respondeo, Molin., Vasq., Sal. dif.

disp. 19. sect. 7., & alios quamplures negare, quia consuetudo habet vim abrogandi legem ex voluntate Principis; ergo si Princeps vult consuetudine contraria non abrogari legem, haec non abrogatur. Sed communius docent cum Pal. num. 10., Sal., Bonac. num. 37., quod si consuetudo contraria improbetur, vel prohibeatur tanquam irrationalis, & inconveniens Reipublica, non possit talis lex abrogari per consuetudinem contraria, quoisque ista manet irrationalis, & Reipublica inconveniens. Si vero ita res mutentur, ut prudenter possit Legislator velle legi derogari consuetudine, tunc consuetudo aduersus legem improbantem consuetudinem contraria prævalere posset: Sicut enim quilibet lex abrogari potest consuetudine contraria ex consensu Principis, ita etiam lex prohibens consuetudinem contraria potest consuetudine contraria abrogari, si adsit Principis consensus: Qui certe presumitur adesse, si res ita mutarentur, ut rationaliter credatur velle derogari legi consuetudine. Et ratio ulterior est, quia sicut in generali concessione non veniunt ea, quae quis in specie non esset verosimiliter concessurus, ex regula 81. *Juris in 6.*, ita neque in generali prohibitione veniunt, quæ quis in specie non esset verosimiliter prohibiturus.

VI. Ex quibus sequitur, quod lex de non trahendis Clericis ad laicam potestatem non possit contraria consuetudine abrogari; quia per talem legem reprobatur consuetudo contraria, tanquam irrationalis, & Reipublica inconveniens, nec ea potest evadere rationabilis.

VII. Sequitur secundo, quod si in lege reprobetur consuetudo contraria præcise propter periculum alicujus damni, si cesset periculum talis damni, possit lex per consuetudinem in op-

positum abrogari, quia cessat causa, ob quam consuetudo contraria reprobata fuit, tanquam corruptela: Contra vero si reprobetur consuetudo ob intrinsecam ejus malitiam, non poterit consuetudo legi prævalere.

VIII. Dubium tamen est apud Doctores; Num clausula illa universalis, *Non obstante consuetudine contraria*, improbet tantum consuetudinem præteritam, an etiam futuram? Azor., & alii putant, quod solum improbet præteritam; tum quia improbare consuetudinem est odiosum, & ideo non est extendendum; tum etiam quia quando Legislator vult improbare consuetudinem futuram, id explicat claris verbis, dicendo, verbi gratia, Nolumus contra legem hanc aliquam consuetudinem valere. Alii tamen cum Sanch. lib. 7. disp. 4., & Pal. num. 8. docent probabiliter, verba illa generalia etiam ad consuetudinem futuram se extendere; quia quamvis improbare consuetudinem sit odiosum, est tamen legi, & Legislatori favorable, & ideo extendenda sunt verba ad significandam etiam consuetudinem futuram. Et quamvis possit clarioribus verbis Legislator id exprimere, non sequitur, quod si verbis his indifferentibus exprimat, non significet etiam futuram consuetudinem; Nam de facto fere omnes Doctores docent, quod verba illa cap. *Cum inter, De Consuetudine*, ubi irritatur consuetudo non servandi interdictum generale, extendantur etiam ad consuetudinem futuram.

Illud certum est apud Doctores contra Cardinalem, quod si lex verbis generalibus improbet omnem consuetudinem contraria, non intelligatur de consuetudine immemorabili, nisi aperte dicatur. Non obstante consuetudine contraria etiam immemorabili. Ratio est, quia, ut notat Bonac. num. 43., consuetudo immemorabilis sape

tra-

traxit originem ex privilegio, & ideo non debet per generale nomen consuetudinis reprobari. Certum etiam est, quod quaelibet lex particularis abrogat consuetudinem praeteritam particularem in contrarium, etiamsi non faciat illius mentionem; quia Legislator (saltem non supremus, nam de Legislatore supremo dicimus articulo sequenti) condens legem particularem non præsumitur ignorare consuetudinem particularem contraria: Contra vero lex generalis non abrogat consuetudines particulares contrarias, nisi aut fiat illarum mentio, aut in genere reprobetur omnis consuetudo contraria. Ratio est, quia non censetur Legislator illarum habere notitiam, & ideo non censetur velle illas abrogare, nisi faciat illarum mentionem, ex cap. 1. de *Consit.* in 6.

IX. Quæritur quinto, An consuetudo possit etiam aut abrogare legem irritantem, aut irritare actus ceteroqui validos?

Respondeo cum communi contra Covar. apud Sal. disp. 9. seet. 10., utrumque effici posse a consuetudine, sicut fieri potest a lege: Quare, ut diximus, possunt abrogari consuetudine impedimenta irritantia jure humano matrimonium, & viceversa possunt consuetudine induci alia impedimenta matrimonium irritantia. Et ratio a priori est, quia hujusmodi irritatio non transcendit potestatem Legislatoris humani, ergo sicut ea potest haberri per voluntatem expressam Legislatoris, ita etiam per tacitam, quæ ostendatur in consuetudine. Neque obstat, quod Pontifex in cap. *Quod super his, De Affinitate*, caveat, ne inter gradus prohibitos contrahatur matrimonium, non obstante consuetudine, quæ dicenda est corruptela. Nam, ut notat Pal., ibi loquitur Pontifex de consuetudine non legitime præscripta,

& irrationabili, non vero de rationabili, quæ supervenire potest, juxta dicta quæsito superiore.

X. Quæritur ultimo, Quomodo consuetudo legem interpretetur?

Respondeo, consuetudinem interpretari legem authentice, si sit præcripta, quia tunc habet vim legis, etiamsi sit legi contraria; Si tamen consuetudo non sit præcripta legitime decennio, interpretatur mentem Legislatoris solum conjecturaliter, & probabiliter; sicut solent illam interpretari Doctores: Quamvis secundum fe probabilior sit interpretatio habita per consuetudinem non præscriptam; quia tunc major pars communis in unum convenit, & difficilis est, quod decipiatur ista, quam speculatio Doctoris. Immo, ut notat Suar., ad sic interpretandam legem non solum deservire potest consuetudo subsequens legem, sed etiam antecedens, & sepe etiam consuetudo vicinorum locorum. Notat tamen Menoch., quod si consuetudo non præcripta sit manifeste contra jus commune, erit dicenda corruptela, nec vim habet interpretandi conjecturaliter legem communem.

Hinc intelligitur, quomodo consuetudo probet, aut reprobet contractus, ut notat Sal. disp. 19. num 203., non quia faciat illos licitos, vel illicitos; sed quia signum probabile est, quod sint liciti, si longa consuetudine exerceantur: Dicitur etiam consuetudo esse regula contractuum, quia contractus regulandi sunt juxta consuetudinem introducuntur; nam secundum illam intelliguntur esse celebrati, nisi aliud fuerit expressum, ex leg. Semper ff. *De regulis iuris*.

A R.